

通玄真經

四

通玄真經卷第十

上仁

上德者天下歸之上仁者海內歸之上義者一國歸之上禮者一鄉歸之无此四者則民不歸也自

老子曰君子之道靜以脩身儉以養生靜即下不擾下不

擾即民不怨下擾即政亂民怨即德薄政亂賢者不為謀

德薄勇者不為鬪明主者脩身以靜養生以儉上无亂政亂主

則不然一日有天下之富處一主之勢竭百姓之力以奉

耳目之欲志專於宮室臺榭溝池苑囿猛獸珍怪貧民飢

餓虎狼厭芻豢百姓凍寒宮室衣綺繡故人主畜兹无用

之物而天下不安其性命矣此暗王居一日之位極一王之勢

心目所娛若秦主之二世用之則昏也

老子曰非慘漠无以明德非寧靜无以致遠非寬大无以

并覆非正平无以制斷以天下之目眎以天下之耳聽以

天下之心慮以天下之力爭故號令能下究而臣情得上

聞百官條通羣臣輻湊喜不以賞賜怒不以罪誅法令察

而不苛耳目通而不闇善否之情日陳於前而不逆故賢

者盡其智不肖者竭其力近者安其性遠者懷其德得用

人之道此明君治國如此用人如彼若漢之孝文帝之太宗也夫乘輿馬者不勞而致

千里乘舟楫者不泚而濟江海使言之而是雖商夫芻蕘

猶不可棄也言之而非雖在人君卿相猶不可用也是非

之處不可以貴賤尊卑論也其計可用不着其位其言可

行不貴其辯夫用得其道不勞而至不行而達故軒皇感牧童之言而天下至有賢乎卑弱邪胡亥信趙高之謀

而天下亡有閭主則不然羣臣盡誠效忠者希不用其身也

而親習邪枉賢者不能見也踈遠卑賤竭力盡忠者不能

聞也有言者窮之以辭有諫者誅之以罪如此而欲安海
內存萬方其離聰明亦以遠矣非聖不能靜四海
非明无以安萬方

老子曰能尊生雖富貴不以養傷身雖貧賤不以利累形
雖曰帶負萬金不恣口以害生雖家无
儻石不苟求以傷德可謂能尊生矣今受先祖之遺爵必重生

之所由來之矣而輕失之豈不惑哉貴以身治天下可以
守天下愛以身治天下所以託天下矣承先人遺業而失之
若必由輕失故不責

於己无以
託天下也

文子問治國之本

老子曰本在於治身未嘗聞身治而國亂身亂而國治也
故曰脩之身其德乃真身苟未治
而况國哉道之所以至妙者父不

能以教子子亦不能受之於父故道可道非常道也名可
名非常名也常道无名可名非道故言論
之所不及父子莫能相傳也

文子問曰何行而民親其上

老子曰使之以時而敬慎之如臨深淵如履薄冰天地之
間善即吾畜也不善即吾讎也昔者夏商之臣反讎桀紂

而臣湯武宿沙之民自攻其君歸神農氏故曰人之所畏
不可不畏也可畏非君
可畏非善

老子曰治大者道不可以小地廣者制不可以狹位高者
事不可以煩民衆者教不可以苛事煩難治法苛難行求

多難難贍寸而度之至丈必差銖而解之至石必過石稱丈
量徑而寡失大較易為智曲辯難為慧道隱小成
言隱浮偽故无益

於治有益於亂者聖人不為也无益於用者有益於費者
智者不行也故功不厭約事不厭省求不厭寡功約易成

事省易治求實易贍任於衆人則易故小辯害義小義破

道道小必不通通必簡聖人通明同見未然不以小蔽大不以煩易簡也河以逶迤

故能遠非一也山以陵遲故能高非一也道以優游故能

化非即時也夫通於一伎審於一事察於一能可以曲說不

可以廣應也道之言曰芒芒昧昧因天之

貴言約該大小適中治道之言曰芒芒昧昧因天之

威與天同无同无者帝同義者王同功者霸无一焉者亡

同无者无德而稱同義者救時之危后故不言而信不施而仁

不怒而威是以天心動化者也五帝自然无為與天同施而

仁言而信怒而威是以精誠為之者也三王精誠發內動應

於无心也施而不仁言而不信怒而不威是以外見為之者也

五靈誠不由中物无故有道以理之法雖少足以治无道以

理之法雖衆足以亂治有道要

老子曰鯨魚失水則制於螻蟻人君舍其所守而與臣爭

事則制於有司魚不可失水以无為持位守職者以聽從

取容臣下藏智而不用反以事專其上人君者不任能而

好自為則智日困而首有責數窮於下則不能申理行墮

於位則不能持制智不足以為治威不足以行刑則无以

與下交矣喜怒形於心嗜欲見於外則守職者離正而阿

上有司枉法而從風實不當功誅不應罪則上下乖心君

臣相怨百官煩亂而智不能解非與嘉萌生而明不能照非

己之失而反自責則人主愈勞人臣愈佚是以代大匠斲

者希有不傷其手人主任賢舉能不專斷於己則智有所因明

是代大匠斲坐傷其手也有功德者不賞主愈勞人愈佚與馬逐走筋絕不能及也上車

攝轡馬死衡下伯樂相之王良御之明主求之无御相之

勞而致千里善乘人之賢也夫人主居上以御羣下所任忠正不

千里不為難也人君之道無為而有就也有立而無好也有為即議

有好即諛議即可奪諛即可誘誘其私好夫以建而制於

人者不能持國故善建者不拔言建之無形也唯神化者

物莫能勝夫為上者常能制人不為人所制不為人所中欲不

出謂之局外邪不入謂之閉中局外閉何事不節外閉中

局何事不成中局外閉無欲無害故不用之不為之而有有用之而有

為之有用即為之未有用為而不見也不伐之言不奪之事循名責實使自

有司以不知為道以禁言為主如此則百官之事各有所

考君有大體任於百官詳其考校定其得失而已

老子曰食者人之本也民者國之基也故人君者上因天

時下盡地理中用人力是以羣生遂長萬物蕃殖春伐枯

槁夏收百果秋蓄蔬食冬取薪杪以為民資生無乏用死

無傳丁癸口君能保和死生盡理先王之法不掩羣而取髮髀上禡下繼

不涸澤而漁不焚林而獵物不極也豺未祭獸罝罟不得通

於野獺未祭魚網罟不得入於水雁鴉雀未擊羅網不得張

於阜草木未落斤斧不得入於山林昆蟲未蟄不得以火

田育孕不牧穀音芻不探魚不長尺不得取犬豕不期音

年不得食皆以其時不妄言也是故萬物之發若蒸無出謂殺非其時取非其當則

萬物精氣發動上達于天將害於人也先王之所以應時脩備富國利民之道

也養之有宜取之以時不乖其道所以富國寧家非目見而足行之欲利民者也不

忘乎心即人自備矣以心揆物以身觀人何假陽居舉足然後方備

老子曰古者明君取下有節自養有度必計歲而收量民

積聚知有餘不足之數然後取奉如此即得承所受於天

地而離於飢寒之患其憺怛於民也國有飢者食不重味
民有寒者冬不被裘與民同苦樂即天下无哀民

此明君之治天

下也閭主即不然取民不教其力求下不量其積男女不

得耕織之業以供上求力勤財盡有日无暮君臣相疾且

人之為生也一人蹠音耒而耕不益十畝中田之收不過

四石妻子老弱仰之而食或時有災害之患以供上求即

人主愍之矣貪主暴君涸漁其下以適无極之欲則百姓

不被天和履地德矣

此閭主之治天下也如彼

老子曰天地之无莫大於和和者陰陽調日夜分故萬物

春分而生秋分而成生與成必得和之精故積陰不生積

陽不化陰陽交接乃能成和

此天地之氣和平故万物得以生成

是以聖人之

道寬而栗嚴而溫柔而直猛而仁夫太剛則折太柔則卷

道正在於剛柔之間夫繩之為度也可卷而懷也引而申

之可直而布也長而不橫短而不窮直而不剛故聖人體

此聖人之和也柔而能直良匠之規矩也卷而能舒聖人之法度也

夫恩推即懦懦即不威嚴

推即猛猛即不和愛推即縱縱即不令刑推即禍禍即无

親是以貴和也

老子曰國之所以存者得道也所以亡者理塞也故聖人

見化以觀其徵德有昌衰風為先萌故得生道者雖小必

大有亡徵者雖成必敗國之亡也大不足恃道之行也小

不可輕故存在得道不在於小亡在失道不在於大故亂

國之主務於地廣而不務於仁義務在高位而不務於道

德是舍其所以存造

音操其所以亡也

觀賢愚以取与亡存道德不在其廣大也

若

上亂三光之明下失萬民之心孰不能承故審其已者不

備諸人也古之為道者深行之謂之道德淺行之謂之仁義薄行之謂之禮智此六者國家之綱維也深行之則厚得福淺行之則薄得福盡行之天下服古者脩道德即正天下脩仁義即正一國脩禮智即正一鄉德厚者大德薄者小故道不以雄武立不以堅強勝不以貪競得立在天不推己勝在天下自取得在天下與之不在於自取故雌牝即立柔弱即勝仁義即得不爭即莫能與之爭故道之在於天下也譬猶江海也天之道為者敗之執者失之夫欲名是大而求之爭之吾見其不得已而雖執而得之不留也夫名不可求而得也在天下與之與之者歸之天下所歸者德也故云上德者天下歸之上仁者海內歸之上義者一國歸之上禮者一鄉歸之无此四者民不歸也不歸用兵即危道也故曰兵者不祥之器不得已而用之殺傷人養而勿美故曰死地荆棘生焉以悲哀泣之以喪禮居之是以君子務於道德不重用兵也

亡凶器不
宜妄動

文子問仁義禮何以為薄於道德也

老子曰為仁者必以哀樂論之為義者必以取與明之四

海之內哀樂不能遍竭府庫之財貨不足以贍萬民

能故知不如脩道而行德因天地之性萬物自正而天下

贍仁義因附是以大丈夫居其厚不居其薄

故知道德深
厚而仁義淺

情而制不過其實仁不溢恩悲哀抱於情送死稱於仁夫

養生不強人所不能及不絕人所不能已度量不失其適

薄故聖人居其
厚不處其薄也

夫禮者實之文也仁者恩之效也故禮因人

非譽言无由生矣故制樂足以合歡喜不出於和明於死生之分通於侈儉之適也

人情失和故興以仁義節以禮樂各使明其分而不相逾

禮樂各使明其分而不相逾

然言與行相悖情與貌相反禮飾以煩樂擾以淫風俗溺於世非譽華於朝故至人廢而不用也

末世謂樂淫變多節禮煩飾情至人見其如此

此故執其樸與驥逐走即人不勝驥託於車上即驥不勝人

故善周道者乘人之資以立功以其所能託其所不能主

興之以時民報之以財主遇之以禮民報之以死故有危

國无安君有憂主无樂臣德過其位者尊祿過其德者凶

德貴无高義取无多不以德貴竊位不以義取盜財

无德而貴

而取者盜聖人安貧樂道不以欲傷生不以利累己故不

違義而取安古者无德不尊无能不官无功不賞无罪不

誅其進人也以禮其退人也以義小人之世其進人也若

上之天其退人也若內之淵

聖人之用人也不苟進不妄退小

言古者以疾今也

敏今時偷薄好之欲其生惡之欲其死也

相馬失之瘦選士失

之貧豚肥充厨骨膏

音不官

馬在良雖瘦可以致遠臣在忠雖貧可以成事君子察

實无信讒言君過而不諫非忠臣也諫而不聽君不明也

不諫者謂尸祿也

民沉溺而不憂非賢言也故守節死難人

臣之職也衣寒食飢慈父之恩也

有君如此何慮社稷之危亡有臣如此何憂爵祿之

備以大事小謂之變人以小犯大謂之逆天前雖祭天後

必入淵故鄉里以齒老窮不遺朝廷以爵尊卑有差

故長幼

者謂其近兄也

因君以崇貴因親而敬長也生而貴者驕生而富者

奢故富貴不以明道自鑑而能无為非者寡矣

驕自至富

不辨奢奢自至

明道德使不為非者鮮矣學而不厭所以治身也教而不倦

明道德使不為非者鮮矣

所以治民也賢師良友舍而為非者寡矣

觀學知道承教无類入芝蘭之園必

染芬芳之氣也

知賢之謂智愛賢之謂仁尊仁之謂義敬賢之謂

禮樂賢之謂樂古之善為天下者无為而无不為也

不生民

无為因民所利而无不為

故為天下有容能得其容无為而有功不得其

容動作必凶為天下容曰與兮其若冬涉大川猶兮其若

畏四鄰儼兮其若容渙兮其若冰之液敢兮其若樸混兮

其若濁廣兮其若谷此為天下容

容包容也道之容兒也治天下者兢兢業業不敢懈

與兮其若冬涉大川者

不敢行也猶兮其若畏四

鄰者恐四傷也儼兮其若容者謙恭敬也渙兮其若冰之

液者不敢積藏也敢兮其若樸者不敢廉成也混兮其若

濁者不敢明清也廣兮其若谷者不敢盛盈也不敢行者

退不敢先也恐自傷者守柔弱不敢矜也謙恭敬者自卑

下尊敬人也不敢積藏者自損弊不敢堅也不敢廉成者

自虧缺不敢全也不敢清明者處濁辱而不敢新鮮也不

敢盛盈者見不足而不敢自賢也夫道退故能先守柔弱

故能矜自卑下故能高人曰損弊故實堅自虧缺故盛全

處濁辱故新鮮見不足故能賢道无為而无不為也

此數者道

之反也處後則人先之自損則人與之故天下戴之而不重百姓樂推而不厭也

通玄真經卷第十

通玄直經卷第十一

上義



老子曰凡學者能明於天人之分通於治亂之本澄心清
意以存之見其終始及其虛无可謂達矣非夫體清明反虛靜故能明天人之

分際終始之際治之本仁義也其未法度也人之所生者本也其

所不生者未也本夫一體也其兩愛之性也先本後未謂

之君子先未後本謂之小人人之生也精神為本形體為未故太上養神治其清性未世養形也

其嗜欲治性則神清縱欲則身害夫神清體和未始損濟乃全法身保神不虧其真凡修攝有方面亦受不一故有君子小人之異

之生也以輔義重法棄義是貴其冠履而忘其首足也治國

者先治於仁義然後法令以齊之重仁義者廣崇也不益其

厚而張其廣者毀不廣其基而增其高者覆故不大其棟

不能任重任重莫若棟任國莫若德人主之有民猶城中

之有基木之有根根深即本固基厚即上安根基猶道德也夫根深基廣而

見毀技者未之有也道高德盛而萬姓不崇戴者未之聞也故事不本於道德者不可以

為經言不合於先王者不可以為道夫事不師古不遺便說道不可為國法

撥取一行一切之術非天下通道也恢怪譎詭之術非天下之大道

老子曰治人之道其猶造父之御駟馬也周穆王時御馬齊輯集

之乎轡銜正度之乎芻廩內得於中心外合乎馬志故能

取道攻遠氣力有餘進退還曲莫不如意誠得其術也今

夫謹執力者人主之車輿也大臣者人主之駟馬也身不可

離車輿之安手不可失駟馬之心故駟馬不調造父不能

以取道君臣不和聖人不能以為治執道以御之中才可

盡明分以示之茲邪可止物至而觀其變事來而應其化

近者不亂即遠者治矣不用適然之教而得自然之道萬

舉而不失矣

有造父之善御不憂車馬之奔逸有堯人之至治不憂黔首之危亡

老子曰凡為道者塞邪道防未然不貴其自是也貴其不

得為非也故曰勿使可欲无日不求勿使可奪无日不爭

如此即人欲釋而公道行矣有餘者止於度不足者逮於

用故天下可一也夫釋職事而聽非譽棄功勞而用朋黨

却苛使天長守職不遷民俗亂於國功以爭於朝故有道

以御人无道則制於人矣

舜為正夫而天下共戴者其道存也故能制於人對為天子而四海離心

者其道亡也則為人所制

老子曰治國有常而利民為本政教有道而今行為古苟

利於民不必法古苟周於事不必循俗故聖人法與時變

禮與俗化衣服器械各便其用法度制令各因其宜故變

古未可非而循俗未足多也夫治道所貴適時而誦先王之

書不若聞其言聞其言不若得其所以言得其所以言者

言不能言也故道可道非常道也名可名非常名也

為

即言而非道也持石為玉則石而非玉也聖人所由曰道猶金石也一調不可更

音律已定不可易也事猶琴瑟也每終改調曲節即殊故宜變易故法制禮樂

者治之具也非所以為治也故曲士不可與論至道者託

寤於俗而束於教

登聞鼓者非凡乘能及論至道者非曲士所通

老子曰天下幾有常法哉當於世事得於人理順於天地

詳於鬼神即可以正治矣

便於事順於人即可治天下自然通神明何常有法也

昔者三

皇无制令而民從五帝有制令而无刑罰夏后氏不負言

殷人折言周人盟三皇者伏羲神農黃帝五帝少昊顓頊高辛唐虞二王者夏禹湯周文王六上古不令而民

未世之衰也忍垢而輕辱

會得而寡善故法度制令者論民俗而節緩急器械者因

從末世峻法而詐故无為為化身有為為治難盟誓不禁刑戮此世之也

時變而制宜適夫制於法者不可與遠舉拘禮之人不可使應變必有獨見之明獨聞之聰然後能擅道而行拘法

者易用此端獨聞獨見者不得離道也夫知法之所由生者即應時而變不知

治道之源者雖循終亂今為學者循先龍衣業握篇籍守

文法欲以為治非此不治猶持方枘而內負鑿欲得宜適

亦難矣夫執法守文而无變通者自以為治猶持方枘而內負鑿夫存危治亂非智不

能道先稱古雖愚有餘故不用之法聖人不行也不驗之

言明主不聽也事當雖愚必用理乖雖賢必捨

文子問曰法安所生

老子曰法生於義義生於衆適衆適合乎人心此治之要

也法非從天下也非從地出也發乎人間反己自正誠達

其本不亂於未知其要不惑於疑有諸己不非於人無諸

己不責於所立立於下者不廢於上所禁於民者不行於

身故人主之制法也先以自為檢式故禁勝於身即令行

於民夫法者天下之準繩也人主之度量也自檢於己則縣

法者法不法也不法以法之法也法定之後中繩者賞缺繩者誅

雖尊貴者不輕其賞卑賤者不重其刑犯法者雖賢必誅

中度者雖不肖无罪是故公道行而和欲塞也古之置有

司也所以禁民使不得恣也其立君也所以制有司使不

得恣行也法度道術所以禁君使无得橫斷也人莫得恣

即道勝而理得矣故反樸无為无為者非謂其不動也言

其從己出也立君置有司止不得自恣下不得專斷故上守正術下正杜法天下之治何足難也

老子曰善賞者費少而勸多善罰者刑省而禁姦善與者

用約而為德善取者入多而无怨故聖人因民之所喜以

勸善因民之所憎以禁茲賞一人而天下趨之罰一人而天下畏之是以至賞不費去刑不濫聖人守約而治廣此之謂也此聖人致理之道若此也

老子曰臣道方論是處當為事先唱守職明分以立成功

故君臣異道即治同道即亂各得其宜處有其當即上下

有以相使也故技不得大於幹末不得強於本言輕重大

小有以相制也若臣分明則大小无越也夫得威勢者所持甚小所任

甚大所守甚約所制甚廣十圍之木持千鈞之屋得所勢

也五寸之關能制開闔所右要也下必行之令順之者利

逆之即凶天下莫不聽從者順也發號令行禁止者以衆

為勢也義者非能盡利於天下之民也利一人而天下從

之暴者非能盡善於海內也害一人而天下叛之故舉措

廢置不可審也世之全材難得自古皆然工師之求棟梁能不拘小節故大材可得人主之論臣佐知屈寸而

伸尺則大賢可得矣

老子曰屈寸而伸尺小枉而大直聖人為之今人君之論

臣也不計其大功總其略行而求其小善即失賢之道也

故人有厚德无問其小節人有大譽无疵其小故夫人情

莫不有所短誠其大略是也雖有小過不以為累也誠其

大略非也閭里之行未足多也故小謹者无成功訾行者

不容衆體大者節踈度巨者譽遠論臣之道也

老子曰自古及今未有能全其行者也故君子不責備於

一人方而不割廉而不劌直而不肆博達而不訾道德文

武不責備於人以力自修以道而不責於人易償也自修

以道則无病矣夫夏后氏之璜不能无瑕明月之珠不能

无穢然天下寶之者不以小惡妨大美今志人之所短忘人之所長而欲求賢於天下即難矣夏后氏之黃明月之

能盡善盡美樂其所好又其所長則无遺才必矣夫衆人之見位之卑身之賤事之

濇辱而不知其大略凡人之情惡其卑辱非子用人存其大略故論人之道貴即

觀其所舉舉賢才也富即觀其所施濟物也窮即觀其所受非義不為

賤即觀其所為非道視其所患難以智勇因其患難方見仁賢動以喜

樂以觀其守不削也委以貨財以觀其仁不妄振以恐懼以觀

其節殺身如此則人情可知矣一有所存人之幹也七者備見

知忠信可見矣

老子曰屈者所以求申也枉者所以求直也屈寸申尺小

枉大直君子為之百川並流不注海者不為谷趨行殊方

不歸善者不為君子善言善行貴乎仁義夫君

子之過猶日月之蝕不害於明過也人皆見之故智者不妄

為勇者不妄殺擇是而為之計禮而行之故事成而功足

恃也身立而名足稱也為其可為者殺其可殺者然雖有智能

必以仁義為本而後立智能並行聖人以仁義為準繩中

繩者謂之君子不中繩者謂之小人君子雖死亡其名不

滅小人雖得勢其罪不除故堯舜為善至今稱之桀紂為惡至今

行也左手據天下之圖而右手刻其喉雖愚者不為身貴

於天下也且為稱孤之友各久為暴屍之人死君親之難者視死

如歸義重於身也故天下大利也比身即小身之所重也

比之仁義即輕此以仁義為準繩者也比傷特无仁義故切論

老子曰道德之備猶日月也夷狄蠻貊不能易其指道備

道備猶之邦行矣无道其如諸夏何趣舍同即非譽在俗意行均即窮達在時

事周於世即功成務入於時即名立是故立以名之人簡於世而謹於時時之至也即間不容息夫濟傾而正功名者觀其機危寧合曠息

古之用兵者非利土地而貪寶賂也將以存亡平亂為民除害也貪叨多欲之人殘賊天下萬民騷動莫寧其所有

聖人勃然而起討強暴平亂世為天下除害以濁為清以危為安故不得不中絕赤帝為火炎故黃帝擒之共工為

水害故顛顛誅之此二君勃然而起者非欲尊其勢位利其土地貪其寶賂去其殘賊安其人民為天下除災言故不得教人以道導之以德而不聽即臨之以威武臨

之不從則制之以兵革殺无罪之民養不義之主害莫大也聚天下之財贍一人之欲禍莫深焉肆一人之欲而長

海內之患此天倫所不取也言天亡桀紂也所為立君者以杜暴亂也今乘萬民之力反為殘賊是以虎傅翼何謂不除夫畜魚

者必去其螾獺養禽獸者必除其豺狼又况牧民乎是故兵革之所為起也國家五運其來久矣赤帝火運君失其德以知人君失德隨運為災此兵革之所為起也

屯有土之君其可失德致災而不知徹悟乎老子曰為國之道上无苛令官无煩治士无偽行工无淫

巧其事任而不擾其器完而不飾亂世即不然為行者相揭以高為禮者相矜以偽車輿極於雕琢器用遂於

刻鏤求貨者爭難得以為寶詆文者逐煩撓以為急事為詭辯久稽而不決无益於治有益於亂工為奇器歷歲

而後成不周於用故神農之法曰丈夫丁壯不耕天下有受其饑者婦人當缶不織天下有受其寒者故身親耕妻

親織以為天下先其道守以也不貴難得之貨不重无用之物是故耕者不强无以養生織者不力无以衣形有餘不足

各歸其身衣食饒裕姦邪不生安樂无事天下和平智者
兀所施其策勇者无所錯其威智以救危勇以止暴
危暴不作何用之有

老子曰霸王之道以謀慮之以策圖之挾義而動非以圖
存也將以存亡也故聞敵國之君有暴虐其民者即舉兵
而臨其境責以不義刺以過行兵至其郊令軍帥曰无伐
樹木无掘墳墓无敗五穀无焚積聚无捕民虜无聚六畜
乃發號施令曰其國之君逆天地侮鬼神决獄不平殺戮
无罪天之所誅民之所讐也兵之來也以廢不義而授有
德也有敢逆天道亂民之賊者身死族滅以家聽者祿以
家以里聽者賞以里以鄉聽者封以鄉以縣聽者侯其縣
尅其國不及其民廢其君易其政尊其秀士顯其賢良振

通玄十一

其孤寡恤其貧窮出其囹圄賞其有功百姓開戶而内之
清米而儲之唯恐其不來也義兵至於境不戰而止義兵所
臨明告

天地幽通鬼神德被萬物以辭誓衆以罪問敵亦非容易而
動凶器百姓悅戴唯恐不至躬湯文武以義而平暴亂者也

不義之兵至於伏屍流血相交以前故爲地戰者不能成
其功爲身求者不能立其王舉事以爲人者衆助之以自
爲者衆去之衆之所動雖弱必強衆之所去雖大必亡不
義

之兵以強凌弱恃以侵小戮无辜害有
道圖霸尚不可得而况欲成王業乎

老子曰上義考治國家理境内行仁義布德施惠立正法
塞邪道羣臣親附百姓和輯上下一心羣臣同力諸侯服
其威四方懷其德修正廟堂之上折衝千里之外發號行
令而天下響應此其上也地廣民衆主賢將良國富兵強

約束信號令明兩敵相當未交兵接刃而敵人奔亡此其次也知土地之宜習險隘之利明苛政之變察行陣之事白刃合流矢接輿死扶傷流血千里具骸滿野義之下也

修德而勝者上守法而勝者中用兵而勝者下也

兵之勝敗習在於政政勝其民下

附其上即兵強民勝其政下叛其上即兵弱義足以懷天下之已以事業足以當天下之急選與足以得賢士之心謀慮足以決輕重之權此上義之道也

老子曰國之所以強者必死也所以必死者義也義之所以行者威也是故令之以文齊之以武是謂必取威義並行是謂必強白刃交接矢石若雨而士爭先者賞信而罰明也上視下如子下事上如父上視下如弟下事上如兄上視下如子必王四海下事上如父必政天下上視下如

通玄十一

弟即必難為之死下事上如兄即必難為之亡故父子兄

弟之寇不可與之鬪

有君如此則天下如一家萬兵共一心則難故不懼讎宜不顧子說思所感則視死

如歸豈有見父有危急而子吝其生而不孝君有難而臣懼於死而不忠者也

是故義君內脩其政

以積其德外塞於邪以明其勢察其勞佚以知飢飽戮期有日視死若歸恩之加也

信義立雖死不顧恩威治平遠不至

通玄真經卷第十一

通玄真經卷第十二

上禮

老子曰上古真人吐吸陰陽而羣生莫不仰其德以和順當此之時領理隱密自成純樸未散而萬物大優萬物無

故優及世之衰也至伏羲氏昧昧懋懋皆欲離其童蒙之

心而覺悟乎天地之間其德煩而不一謂天下漸失其本德煩

為衰及至神農黃帝覈領天下紀綱四時和調陰陽於是

萬民莫不竦身而思戴聽而視故治而不和下至夏殷之

世嗜欲達於物聰明誘於外性命失其真施及周室澆醇

散樸離道以為偽險德以為形智巧萌生狙學以擬聖華

誣以脇眾琢飾詩書以賈名譽各欲以行其智偽以容於

世而失大宗之本故世有喪性命衰漸所由來久矣是故

至人之學也欲以反性於无游心於虛世俗之學擢德撻

性內愁五藏暴行越知以饒名聲之世此至人所不為也

擢德自見也撻性絕生也若夫至人定乎死生之意通乎

榮辱之理舉世譽之而不益勸舉世非之而不加沮得至

道之要也上禮者吉凶軍賓嘉五禮之謂歟上古其人則玄古

農黃帝施及三王治各不同禮亦道

老子曰古者被髮而无卷領以王天下其德生而不殺與

而不奪天下非其服同懷其德當此之時陰陽和平萬物

蕃息飛鳥之巢可俯而探也走獸可係而從也及其衰也

鳥獸蟲蛇皆為民害故鑄鐵鍛刃以禦其難故民迫其難

則求其便因其患則操其備各以其智去其所害就其所

利常故不可循器械不可因故先王之法度有變易者也故

曰名可名非常名也

世之衰物不淳一各生異情遞相殘害智詐相欺制器械而為備去其害就其利故

先王變法非有常也故法无常名也

五帝異道而德覆天下三王殊事而名後

世因時而變者也譬猶師曠之調五音也所推移上下无

常尺寸以度而靡不中者故通於樂之情者能作音有本

主於中而知規矩鈎繩之所用者能治人故先王之制示

宜即廢之末世之事善即著之故聖人之制禮樂者而不

制於禮樂制物者不制於物制法者不制於法

制樂非樂失其和也物制於物尚可也法制非法逾其政也

故曰道可道非常道也

老子曰昔者之聖王仰取象於天俯取度於地中取法於人調陰陽之氣和四時之節察陵陸水澤肥瘠高下之宜以立事生財除饑寒之患辟疾疢之灾中受人事以制禮樂行仁義之道以治人倫列金木水火土之性以立父子

道玄二

之親而成家聽五音清濁六律相生之數以立君臣之義

而成國察四時孟仲季之序以立長幼之節而成官列地

而州之分國而治之立太學以教之此治之綱紀也得道

則舉失道則廢夫物未常有張而不弛盛而不敗者也惟

聖人可盛而不敗聖人初作樂也以歸神杜淫反其天心

至其衰也流而不反淫而好色不顧正法流及後世至於

亡國其作書也以領理百事愚者以不忘智者以記事及

其衰也為姦偽以解其罪而殺不辜其作囿也以成宗廟

之具簡士卒以戒不虞及其衰也馳騁弋獵以奪民時以

罷民力其上賢也以平教化正獄訟賢者在位能者在職

澤施於下萬民懷德至其衰也朋黨比周各推其所與廢

公趨私外內相舉姦人在位賢者隱處

聖人建書之初意樂則歸神杜淫書

以領理百事圍以成宗廟之具尚賢以平教化正獄訟之情及其衰也樂則淫色書則姦偽圍則弋獵賢則朋黨姦人在位賢者隱處宜矣

天地之道極則反益則損故聖人治弊而改制事終而更為其美在和其失在權聖人之道曰非修禮義廉耻不立民无廉耻不可以治不知禮義法不能正非崇善廢醜不嚮禮義无法不可以為治不知禮義不可以行法法能殺不孝者不能使人孝能刑盜者不能使人廉聖王在上明好惡以示人經非譽以導之親而進之賤不肖而退之刑錯而不用禮義修而任賢德也故天下之高以為三公一州之高以為九卿一國之高以為二十七大夫一鄉之高以為八十一元士立官分職任賢去邪為王者股肱耳目以和萬姓以靜四方也智過萬人者謂之英千人者謂之雋百人者謂之傑十人者謂之豪明於天地之道通於人情之理大足以容眾惠足以懷遠智足以知權人英也德足以教化行足以隱義信足以得眾明足以照下人雋也行可以為儀表智足以決嫌疑信可以守約廉可以使分財作事可法出言可道人傑也守職不廢處義不比見難不苟免見利不苟得人豪也英雋豪傑各以大小之材處其位由本流末以重制輕上唱下和四海之內一心同歸背貪鄙嚮仁義其於化民若風之靡草今使不肖臨賢雖嚴刑不能禁其姦小不能制大弱不能使強天地之性也故聖人舉賢以立功不肖之主舉其所與同觀其所舉治亂分矣察其黨與賢不肖可論也聖人

通玄十二

三

各以其才而官之不相逾越則天下大治也

孔子曰為禮者雕琢人性矯拂其情目雖欲之禁以度心雖樂之節以禮趨翔周旋屈節卑拜肉凝而不食酒澂而

不飲外束其形內愁其德鉗陰陽之和而迫性命之情故
終身為哀人何則不本其所以欲而禁其所欲不原其所
以樂而防其所樂是猶圈獸而不塞其垣禁其野心決江
河之流而壅之以手故曰開其兌濟其事終身不救夫禮
者遇情閉欲以義自防雖情心咽噎形性飢渴以不得已
自強故莫能終其天平為禮拘束不放肆迫於情性皆強為之故不終天年也禮者非能
使人不欲也而能止之樂者非能使人勿樂也而能防之
夫使天下畏刑而不敢盜竊豈若使无有盜心哉故知其
无所用雖貪者皆辭之不知其所用廉者不能讓之夫人
之所以亡社稷身死人手為天下笑者未嘗非欲也知冬
日之扇夏日之裘无用於己萬物變為塵垢矣道備无為之事害歸
有欲之人故揚湯止沸沸乃益甚知其本者去火而已親道莫若无欲

止沸在於去薪

老子曰循性而行謂之道得其天性謂之德性失然後貴
仁義仁義立而道德廢純樸散而禮樂飾是非形而百姓
眩珠玉貴而天下爭夫禮者所以別尊卑貴賤也義者所
以和君臣父子兄弟夫婦人道之際也末世之禮恭敬而
交為義者布施而得君臣以相非骨肉以生怨也故水積
則生和食之蟲土積則生自肉之豸禮樂飾則生詐偽末
世之為治不積於養生之具澆天下之醇散天下之樸滑
亂萬民以清為濁性命飛揚皆亂以營貞信燬爛人失
其性法與義相背行與利相反貧富之相傾人君之與僕
虜不足以論夫有餘則讓不足則爭讓則禮義生爭則暴
亂起故多欲則事不省求贍則爭不止故世治則小人守

正而利不能誘也世亂則君子為姦而法不能禁也

元子曰衰世之主鑽山石挈金玉擿礫蜃消銅鐵麒麟

不遊構木為臺焚冰而竭澤而漁積壤而丘處掘地

而井飲濬川而為池築城而為固拘獸以為畜則陰陽繆

戾四時失序雷霆毀折雹霜為害萬物焦天處於太半草

木夏木夏 和 意世之主 剖石索玉 擿蚌求珠 肆耳目之娛 遂致乖戾 萬物失所 雷霆以恐之 霜雹以害之 非萬邦之過 一人之罪也

三川絕而不流分山川谿谷使有壤界周衰而三川竭 晉微而沙鹿崩計人

眾寡使有分數設機械險阻以為備制服色等異貴賤差

賢不肖行賞罰則兵革起而忿爭生虐殺不辜誅罰无罪

於是興矣天地不得不變動 物不得定危也

老子曰世之將喪性命猶陰氣之所起也主闇昧而不明

道廢而不行德滅而不揚舉事戾於天發號逆四時春秋

縮其和天地除其德人君處位而不安大夫隱遁而不言

羣臣推上意而壞常踈骨肉而自容邪人諂而陰謀遽載

驕主而像其亂人以成其事是故君臣乖而不親骨肉踈

而不附田无立苗路无綬步金積折廉璧襲无羸殼龜无

腹著筮日施天下不合而為一家諸侯制法各異習俗悖

扞其根而棄其本鑿五刑為刻削爭於錐刀之末斬刈百

姓盡六六 千舉兵為難攻城濫殺覆高危安大衝車高重

壘除戰隊使陣死路犯嚴敵百往一反名聲苟盛兼國有

地伏尸數十萬老弱饑寒而死者不可勝計自此之後天

下未常得安其性叩樂此習俗也 未世驕主恃其威廣其

刀之末伏尸流血无聖賢勃然而起持以道德輔以仁義近

者進其智遠者懷其德天下混而為一子孫相代輔佐黜

讒佞之端息未辯之說除刻削之法去煩苛之事屏流言
之迹塞朋黨之門消智能循大常隨肢體黜聰明大通
混冥萬物各復歸其根夫聖人非能生時時至而不失也
是以不得中絕不得中絕言必有其主也

老子曰艷水之深十仞而不受塵垢金石在中形見於外
非不潔且清也魚鱉蛟龍莫之歸也言水至清魚不游人至察衆不歸也石上

不生五穀禿山不遊麋鹿无所蔭蔽也故為政以苛為
察以切為明以刻下為忠以計多為功如此者譬猶廣

革者也大敗大裂之道也為政以苛必敗之由為革以廣必裂之道其政悶悶其
民淳淳其政察察其民缺缺上太察下不安也

老子曰以政治國以奇用兵先為不可勝之政而後求勝
於敵以未治而攻人之亂是猶以火應火以水應水也同

通玄十二

六

莫足以相治故以異為奇奇靜為躁奇治為亂奇飽為
饑奇逸為勞奇正之相應若水火金木之相伐也何往
而不勝故德均則衆者勝寡力敵則智者制愚智同則
有數者禽无數此明正奇相攻賢愚相敵夫德雖均人卒衆者勝力雖敵智以制愚智雖均而有計禽无計計數者皆相勝之術送相禽制而非道也此明權也

通玄 經卷第十二



圖書在版編目(CIP)數據

通玄真經/[唐]徐靈府註.—北京:北京圖書館出版社,
2004.7

(中華再造善本)

ISBN 7-5013-2491-3

I.通… II.徐… III.經文(道教)—注釋 IV.B952

中國版本圖書館CIP數據核字(2004)第044461號

ISBN 7-5013-2491-3



9 787501 324910 >

書名 通玄真經(全四冊)
著者 [唐]徐靈府 註

出版 北京圖書館出版社(100034 北京市西城區文津街七號)
發行 Tel:(010)66151313 Fax:(010)66174391

E-mail: Btstxb@publicf.nlc.gov.cn

Website: www.nlcpress.com

印刷 金壇市古籍印刷廠

開本 八

印張 二七·二五

版次 二〇〇四年七月第一版第一次印刷

印數 一—二〇〇

書號 ISBN 7-5013-2491-3 / K·840
定價 八八〇圓

